

BOSNA I HERCEGOVINA
FEDERACIJA BOSNE I HERCEGOVINE
HERCEGBOSANSKA ŽUPANIJA
ŽUPANIJSKI ZAVOD ZA UPOŠLJAVANJE LIVNO

Broj: 638-1/2021

Datum, 12.05.2021.

U skladu s članom 100. stav(3) i člana 70. Zakona o javnim nabavama („Službeni glasnik BiH“, broj 39/14) u daljnjem tekstu: ZJN, i na temelju članka 15. Statuta Županijskog zavoda za upošljavanje ("Narodne novine HBŽ", broj 10/2014), rješavajući po žalbi ponuđača „Elkom d.o.o" Vitez broj 638/21 od 10.05.2021., izjavljene na Odluku o izboru najpovoljnijeg ponuđača broj 548-4/2021 u djelu Lot 3 od 05.05.2021. u konkurentskom postupku javne nabave „Uredskog materijala, tonera, papira i obrazaca" za potrebe ugovornog organa Županijskog zavoda za upošljavanje Livno. Ugovorno tijelo donosi:

ODLUKU

1. Usvaja se žalba 638/21 od 10.05.2021. od „Elkom d.o.o." Vitez, izjavljena protiv Odluke ugovornog organa br. 548-4/2021 u dijelu Lot 3 u konkurentskom postupku javne nabave „Uredskog materijala, tonera, papira i obrazaca" za potrebe ugovornog organa Županijskog zavoda za upošljavanje Livno, kao **osnovana**.
2. Ovom odlukom zamjenjuje se Odluka broj 548-4/2021 od 05.05.2021., u dijelu koji se odnosi na Lot 3 (nabava papira) u skladu sa članom 98. stavak (4) ZJN.
3. Donosi se odluka o poništenju provedene e-aukcije i ponovno zakazivanje i provođenje E-aukcije nakon koje će se donijeti nova Odluka za Lot 3.
4. Ovim putem se obavještavaju svi ponuđači da pojasne korištenje preferencijalnog tretmana domaćeg ukoliko su zaokružili isti u tenderskoj dokumentaciji za Lot 3 (papir).
5. Ova odluka stupa na snagu danom donošenja i objavit će se na internetskoj stranici Županijskog zavoda za upošljavanje <http://www.zzu-livno.ba/>, istovremeno s upućivanjem ponuđačima koji su sudjelovali u postupku javne nabave, u skladu sa članom 70.stavak (6). ZJN („Službeni glasnik BiH", broj 39/14).

Obrazloženje

Ugovorni organ je nakon provedene e-aukcije u konkurentskom postupku javne nabave „Uredskog materijala, tonera, papira i obrazaca" dana 04.05.2021., donio Odluku o izboru najpovoljnijeg ponuđača. Navedenom Odlukom kao najpovoljniji ponuđač za Lot 3 nakon provedene e-aukcije izabran je ponuđač „Plan Plus" d.o.o. Zenica.

Ugovorno tijelo je pokrenulo postupak javne nabave „Uredskog materijala, tonera, papira i obrazaca" dana 19.04.2021., broj obavijesti o nabavi: 3020-7-1-1-3-1/21, objavljen na portalu javnih nabava. Rok za dostavu ponuda je do 30.04.2021. u 11 sati. Dospjelo je ukupno 5 (pet) ponuda i to:

1. Plan Plus d.o.o. Zenica s ponuđenom cijenom od 2400,00* KM bez PDV-a,
2. LIST d.o.o. Livno s ponuđenom cijenom od 2400,00* KM bez PDV-a,
3. Grafos d.o.o. Livno s ponuđenom cijenom od 2000,00 KM bez PDV-a,
4. Prima Prom d.o.o. Banja Luka s ponuđenom cijenom od 2992,00* KM bez PDV-a,
5. Elkom d.o.o. Vitez s ponuđenom cijenom od 2960,00* KM bez PDV-a.

**označava cijenu na koju se primjenjuje preferencijalni tretman.*

Adresa: Kralja Tvrtka 5
80101 Livno

web adresa: <http://www.zzu-livno.ba/>
E-mail: zzz.uposljavanje@tel.net.ba
Tel/faks: 034/203-306

BOSNA I HERCEGOVINA
FEDERACIJA BOSNE I HERCEGOVINE
HERCEGBOSANSKA ŽUPANIJA
ŽUPANIJSKI ZAVOD ZA UPOŠLJAVANJE LIVNO

Povjerenstvo za javne nabave je evaluacijom svih dospjelih ponuda ocijenila ih je kao zadovoljavajuće i zakazala E-aukciju za 04.05.2021. u 12:30 sati, gdje je ponuđač Plan Plus d.o.o. Zenica izašao kao najpovoljniji i donesena je Odluka o najpovoljnijem ponuđaču, te je ista dostavljena svim ponuđačima.

Dana 10.05.2021. ponuđač Elkom d.o.o. Vitez je podnio Žalbu na odluku Ugovornog tijela Uredu za razmatranje žalbi, smatrajući da je Ugovorno tijelo definiranjem ponuda ponuđača Plan Plus d.o.o. Zenica, List d.o.o. Livno i Prima Prom d.o.o. Banja Luka kao ponude koje za kopirni papir imaju ponude robe domaćeg porijekla, poduzeća Elkom d.o.o. Vitez i Grafos d.o.o. Livno dovelo u nepovoljniji položaj. Zakon o korištenju preferencijalnog tretmana domaćeg je jasno naveo da se preferencijalni tretman domaćeg može koristiti za robe kojima je više od 50% vrijednosti proizvedeno u BiH korištenjem domaćih resursa. Za proizvodnju kopirnog papira ne postoji proizvođač u BiH. Stoga ponuđač Elkom d.o.o. smatra da Ugovorno tijelo je dužno uvažiti žalbu, ispraviti kvalifikacije u ponudama, poništiti Odluku o izboru ponuđača u dijelu za Lot 3, te poništiti i zakazati ponovnu E-aukciju za Lot 3.

Zaključak

Ugovorno tijelo je razmatrajući žalbu ponuđača Elkom d.o.o., utvrdilo da je žalba izjavljena od ovlaštenog lica, da je dopuštena i blagovremena. Uvidom u svu raspoloživu dokumentaciju i detaljnom analizom, Ugovorno tijelo je utvrdilo propust u radu Povjerenstva za javne nabave koje prilikom evaluacije ponuda nije utvrdilo nedostatke u potvrdama sa preferencijalnim tretmanom domaćeg za ponuđače Plan Plus d.o.o. Zenica, Prima Prom d.o.o. Banja Luka i List d.o.o. Livno.

Cijeneći gore sve navedeno, Ugovorno tijelo je zajedno s Povjerenstvom za javne nabave utvrdilo da Odluku o izboru najpovoljnijeg ponuđača broj: 548-4/21 od 07.05.2021. kojom je izabran ponuđač Plan Plus d.o.o. Zenica za Lot 3 (kopirni papir) preinači i da se poništi provedena e-aukcija za Lot 3 i zakaže ponovna.

Pouka o pravnom lijeku: protiv ove Odluke može se izjaviti žalba Uredu za razmatranje žalbi putem Ugovornog tijela, u roku od 5 (pet) dana od dana prijema ove Odluke.

Dostaviti:

1. Ponuđačima
2. Spis javnih nabava
3. a/a



Adresa: Kralja Tvrtka 5
80101 Livno

web adresa: <http://www.zzzu-livno.ba/>
E-mail: zzz.uposljavanje@tel.net.ba
Tel/faks: 034/203-306